

OHR apelira na kvalificirane kandidate da konkurišu za ključnu poziciju u državnoj službi

OHR pozdravlja odluku Vlade Federacije BiH da produži rok za podnošenje prijave za poziciju direktora Agencije za državnu službu Federacije BiH. Zadaci uspostave i vođenja ove Agencije za državnu službu imaju osnovni značaj zbog toga što će Agencija predvoditi aktivnosti na sistematskoj reorganizaciji i poboljšanju usluga koje, putem velikog broja različitih aktivnosti, državni službenici pružaju građanima Federacije BiH.

U okviru provođenja reforme javne uprave u BiH, Visoki predstavnik je odlučan u namjeri da pomogne lokalnim organima vlasti u izgradnji moderne, profesionalne i kvalificirane državne službe u cijeloj BiH koja će, na kraju, Bosnu i Hercegovinu uvesti u evropske strukture, a njenim građanima pružati potrebne usluge.

Odabrani kandidat za funkciju direktora Agencije za državnu službu će morati pokazati da u cijelosti poznaje ulogu ove Agencije i da posjeduje viziju i leaderske kvalitete kojima će osigurati efikasan rad Agencije u procesu reforme javne uprave i promovirati propisno rukovođenje njenim aktivnostima. Direktor Agencije će također morati ostvarivati uspješnu saradnju sa drugim državnim službenicima i osobama na rukovodećim pozicijama u organima vlasti, kako bi osigurao dalje odvijanje procesa reforme, te će imati zadatak da obezbijedi da Bosna i Hercegovina na najbolji mogući način iskoristi finansijska sredstva koja su joj na raspolaganju.

Međunarodna zajednica u potpunosti podržava ovaj proces

reformi, a predstavnici UNDP-a su obećali da će pružiti svoju pomoć u radu novouspostavljene Agencije i to putem osiguranja tehničke pomoći i međunarodne ekspertize, kao i finansijskih sredstava. Međunarodna zajednica očekuje da će Vlada Federacije BiH i dalje ispunjavati kriterije koji su potrebni za osiguranje ove podrške, uključujući i potrebu da predstavnici međunarodne zajednice sudjeluju u procesu zapošljavanja, poštivanje modernih kadrovskih procedura te spremnost članova konkursne komisije da prođu odgovarajuću obuku prije nego što započnu sa procesom zapošljavanja.

Međunarodna zajednica apelira na sve građane BiH koji žive u BiH ili inostranstvu, a imaju potrebne kvalifikacije, da konkurišu na ovu ključnu poziciju.

Vlada Federacije BiH će uz pomoć predstavnika UNDP-a i OHR-a provesti proceduru zapošljavanja na ovu poziciju, po isteku roka za podnošenje prijave. Procedura će se provesti prema kvalificiranosti i iskustvu kandidata te principima profesionalizma koji su sadržani u zakonu o državnoj službi, te na osnovu smjernica koje će definirati nezavisna konkursna komisija.

Rok za podnošenje prijave je 31. august 2003. godine. Pozivamo zainteresirane kandidate koji imaju odgovarajuće kvalifikacije da svoje biografije i prijave dostave Konkursnoj komisiji Vlade Federacije BiH sa naznakom "Za poziciju direktora Agencije za državnu službu Federacije BiH".